



Ukununnga Demokraatit Inatsisartuni ilaasortaataitai

**Kalaallit Nunaanni averuserneq avinnerlu pillugit § 37 naapertorlugu
apeqquteqaammut nr. 157-2020-imut akissuteqaat**

28-10-2020
Suliap normua 2020 - 16579
Allakkap ilisarnaataa 15114268

Ukununnga Demokraatit Inatsisartuni ilaasortaataitai

Postboks 260
3900 Nuuk

Apeqqutinut qujanaq. Apeqqutit akineqarnissaannut Justitsministeriamut aamma Social- og Indenrigsministeriamut ilanngussassanik piniartoqarsimavoq. Justitsministeriamit aamma Social- og Indenrigsministeriamit apeqquteqaatinut ataasiakkaanut ilanngussat uingasumik naqinneqartinneqarput.

Oq. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

**1. Naalakkersuisut isumaqarpat Kalaallit Nunaanni averusernermut avinnermullu
inatsisit ukiunut atuuffimminnut naleqquttuusut, Angajoqqaat akisussaananer
pillugu inatsit ilanngullugu? Akissut tunngavilersorneqassaaq.**

Oqartussaaffiit Danmarkimit isumagineqartut ullutsinnut naleqquttuutinniarlugit inerisarlugillu nutarterneqarnissaannik Naalakkersuisut Social- og Indenrigsministeria suleqatigaat.

Ilaqutariinnermut inatsisit nutarterneqarnerannut atatillugu Naalakkersuisut ilaatigut ukiaanerani ataatsimiinnermi matumani imm. 185-imi, Meeravissartaarneq pillugu inatsimmut aamma angajoqqaat akisussaananer pillugu inatsimmut allannguutit arlallit Kalaallit Nunaannut atuutilernissaannik peqqussutissatut missingiummut (Meeqqamut pitsaanerususaaq, najugaqatigiissut ataatsimoorullugu meeravissartaarnissaannik periarfissaq, Ankestyrelsenip maalaartarfionera il.il. meeravissartaarnermut tunngasuni aamma toqusoqarnerani angajoqqaatut oqartussaaneq il.il.) Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut saqqummiuppaat.

**2. Ukiut qulit ingerlaneranni katinnermut avinnermullu kisitsisit qanoq isikkoqarpat
(2009-2019)?**

Social- og Indenrigsministeria matuminnga ilisimatitsivoq:

"Inuit qitiusumik allattorsimaffianni Det Centrale Person Register-imi (CPR) Kalaallit Nunaanni piffissami 2009-2019 katinnerit avinnerillu pillugit naatsorsuutinit paasissutissanik imannak allassimasoqarpoq.

Naatsorsuutit inunnut katittunut avittunullu tunngassuteqarput, katinnerup nalaani avinnerulluunniit nalaani CPR-imi aappariit tamarmik aappaannaaluunniit Kalaallit Nunaanni najugaqartutut allattorsimasunut, taamaammallu naatsorsuutit Kalaallit Nunaanni, Danmarkimi nunanilu allani katinnernut avinnernullu tunngassuteqarlutik. Aappariit arlaannaaluunniit katinnerup avinnerulluunniit nalaani CPR-imi Kalaallit

Nunaanni najugaqartutut allassimangitsunut naatsorsuutit tunngassuteqanngillat. Naatsorsuutit suaqaqatigiit akornanni aappariinnermik nalunaaruteqarnut katinnernullu aamma tunngassuteqarput.

Katinnerit aappariit tamarmik aappaannaaluunniit katinnerup nalaani Kalaallit Nunaanni najugaqartutut nalunaarsorneqarsimasut

<i>Ukioq</i>	<i>Katinnerit</i>
2009	293
2010	330
2011	297
2012	358
2013	298
2014	309
2015	269
2016	267
2017	281
2018	296
2019	325

Avinnerit aappariit tamarmik aappaannaaluunniit katinnerup nalaani Kalaallit Nunaanni najugaqartutut nalunaarsorneqarsimasut

<i>Ukioq</i>	<i>Avinnerit</i>
2009	163
2010	144
2011	116
2012	137
2013	159
2014	171
2015	153
2016	152
2017	131
2018	138
2019	117

3. Ukiuni taakkunanni avikkusullutik qinnuteqaatit qassit sorlermi suliarineqarsimappat rigsombud-imi eqqartuussivimmilu?

Social- og Indenrigsministeri Naalagaaffiup Sinnisoqarfianut avikkumalluni qinnuteqarnerit pillugit imannak ilisimatitsivoq:

"Kalaallit Nunaanni Naalagaaffiup Sinniisuanit paasissutissat tunngavigalugit 2009-2019 avikkumallutik qinnuteqartut amerlassusaannik Social- og Indenrigsministeria imannak ilisimatitsivoq:

"Kalaallit Nunaanni Naalagaaffiup Sinniisua 2016-2019-imi averuserumallutik avikkumallutilluunniit qinnuteqaatinik ima amerlatigisunik tigusaqarpoq:

- 2016: 286
- 2017: 318
- 2018: 287
- 2019: 242

Kalaallit Nunaanni Naalagaaffiup Sinniisuata aamma ilisimatitsissutigaa Naalagaaffiup Sinniisuata allagaatinut nalunaarsuineranut aaqqissuussamini averusermismamik avinnissamillu qinnuteqaatit immikkoortinneqanngimmata.

Naalagaaffiup Sinniisuata aamma ilisimatitsissutigaa avinnissamut 2016 sioqqullugu qinnuteqaatit amerlassusaannut Naalagaaffiup Sinniisuata allagaatinut nalunaarsuineranut aaqqissuussamini paasissutissaqanngimmat."

Justitsministeria eqqartuussivik aqutugalugu avinnissamik qinnuteqaatit pillugit imannak ilisimatitsivoq:

"Isumaginninnermut, Ilaqutariinnermut Inatsisinillu Atuutsitsinnermut Naalakkersuisoqarfik Kalaallit Nunaanni eqqartuussivinnut tunngatillugu Justitsministeriap ilanngussaqaarnissaanik noqqaassuteqarsimavoq.

Ilanngussinissamut atugassamik Justitsministeria Domstolsstyrelsemit oqaaseqaammik piniarsimavoq, imannallu ilisimatitsivoq:

"Nunatsinni Eqqartuussivimmit kisitsisit nassiunneqartut tunngavigalugit Domstolsstyrelse tabelinik ataaniittunik eqqartuussivinni piffissami 2012-2019 aamma oqartussaaffik siullertut Nunatsinni Eqqartuussivinni piffissami 2010-2018 suliat aappariinnermut tunngasut (averuserneq/avinneq) amerlassusiisa ineriartomerannik takutitsisunik suliaqarsimavoq. Aappariinnermut suliat averuserneranut avinnernulluunniit agguarneqarsinnaanngillat.

Takussutissiaq 1. Eqqartuussiviit. Suliat amerlassusaat suliat aappariinnermut tunngasut (averuserneq/avinneq)

	Suliat tigusat amerlassusaat	Suliat naammassisat amerlassusaat	Suliat ingerlasut amerlassusaat
2012 ¹	65	61	
2013	69	73	
2014	71	105	
2015	74	79	
2016	76	69	
2017	66	58	
2018	63	69	
2019 ²	66	67	28

Maluginiagassaq 1: Naatsorsuinermi suliat imminnut najornermut aamma aappariinnermut tunngasut ilaatinneqarput

Maluginiagassaq 2: 2019-imut naatsorsuutaagallartoq pineqarpoq, sulii 2019-imut kisitseqqissaarneq ingerlanneqarsimangimmat

Takussutissiaq 2. Nunatsinni Eqqartuussivik. Suliat amerlassusaat suliat aappariinnermut tunngasut (averuserneq/avinneq)

	Suliat tigusat amerlassusaat	Suliat naammassisat amerlassusaat	Suliat ingerlasut amerlassusaat
2010 ¹	1	1	
2011 ¹	3	1	
2012	2	2	
2013	1	0	
2014	0	0	
2015	0	0	
2016	1	2	
2017	2	2	
2018	0	0	
2019 ²	0	0	0

Maluginiagassaq 1: Naatsorsuinermi suliat imminnut najornermut aamma aappariinnermut tunngasut ilaatinneqarput

Maluginiagassaq 2: 2019-imut naatsorsuutaagallartoq pineqarpoq, sulii 2019-imut kisitseqqissaarneq ingerlanneqarsimangimmat

Nunatsinni Eqqartuussivik 1. januaari 2010-mi pilersinneqarpoq taamaammallu 2009-mit kisitsisaateqartoqarani. Eqqartuussivinnut tunngatillugu piffissami 2009-2011-mi kisitsisaateqartoqanngilaq.

Ilaatigut eqqartuussivinni suliat nalunaarsorneqarneranni ajornartorsiutit malitsigisaanik kisitsisit nalorninarsinnaanerat Domstolsstyrelsemit maluginiarneqarpoq. Paasissutissalli pitsaanerusut qulakkeerniarlugit sulisoqarpoq.”

4. Naalakkersuisut allanik suliamut soqutiginaatilinnik paasissutissiisinnaanerlutik?

Naagga.

Inussiarnersumik inuulluaqqusillunga

Martha Abelsen